

# 3

---

## LAAVKOME-NJOELKEDASSE 2017

3.3 Laavkome gosse jupmele-gaagkestimmie

3.15 Laavkome gosse jupmele-gaagkestimmie laavkomen  
gaavhtan

L| = Liturge

KL| = Klahkeliturge

Åå| = Åålmege



# NJOELKEDASSE

## LAAVKOME GOSSE GYRHKESJIMMIE

### 1 | Dâastoehtimmie laavkomasse

└|Aehtjien, Baernien jîh Aejlies Voejkenen nommesne.

#### JALLH

└|Aehtjien, Baernien jîh Aejlies Voejkenen nommesne.  
Mijjen sjugniedæjja, lutniestæjja jîh hiegkevedtije.

Gosse maana lååvkesåvva:

└|Gijhtebe jîh aavoedibie gosse laavkomisnie *maanam/maanide* Jupmielasse buektebe. Gosse lååvkesovvebe, dellie Jupmele mijjem dâastohte jîh mijjem Jeesus Kristusinie ektede guhte kroessese noeresovvi jîh jaemiedistie tjuedtjeli.

Gosse stoere maana, noere jallh geerve almetje lååvkesåvva:

└|Gijhtebe jîh aavoedibie gosse laavkomisnie *NN-em/dijjem* Jupmielasse buektebe. Gosse lååvkesovvebe, dellie Jupmele mijjem dâastohte jîh mijjem Jeesus Kristusine ektede guhte kroessese noeresovvi jîh jaemiedistie tjuedtjeli.

Daate bibeltekste maahta lohkesovvedh:

└|Nemhtie Jupmele eatnemem eahtseme guktie aajnehke baarniem vedtieji juktie dah gîeh altasasse jaehkieh, eah galkh jaemedh mohte ihkuven jielemem åadtjodh. *Jåhha3,16*

└|Goltelidie guktie Jeesuse maanide dâastohte jîh elmierîjhkem rîhpeste:

Almetje guhte maanam dâerede, klahkeliturge jallh liturge tekstem låhka:

**KL/L**└|Maanide Jeesusen gâajkoe bööktin edtji gîetem dej nille bîejedh. Learohkh jis destie nihtieh. Gosse Jeesuse dam vuepteste, måarahtåvva jîh jeahta: «Baajede maanide mov gâajkoe båtedh, aellede dejtie nihtieh! Juktie Jupmelen rîjhke dej lea. Saatnan, dijjesse jeahtam: Dîhte gie ij Jupmelen rîjhkem dâastoeh goh maanetje, ij galkh Jupmelen rîjhkese båtedh.» Jîh





Jeesuse maanide faarhman vaalta, gïetide dej nille beaja jïh bueriesjugnede. **Mark 10,13–16**

Gosse stoere maana, noere jallh geerve almetje lååvkesåvva, daate tekste maahta lohkesovvedh:  
**L|**Goltelidie maam apostele Pöövle laavkomen bïjre soptseste:

**KL/L|**Buajhkoes sjïdteme man hijven mijjen Jupmele jïh gorredæjja lea, jïh guktie almetjidie eahtsa: Mijjem gorredi juktie åårmege jïh ij dan gielhtie mijjïeh rïektes dahkoeh dorjeme. Mijjem gorredi dejnie laavkominie mij Aejlies Voejkeninie orresistie reakadahta jïh orrestahta. Jupmele mijjem baajeme, Jeesus Kristusen, mijjen Lutniestæjjan gielhtie Voejkeninie dïevedh guktie Jupmelen aarmojne reaktoen mietie sjïdtebe jïh ihkuven jielemem åadtjobe nemhtie guktie mijjen håhkoe. **Tit 3,4-7**

#### **JALLH**

**L|**Jeesuse jeahta mijjïeh orresistie reakadibie gosse lååvkesovvebe:

**KL/L|**Fariseladtji luvnie gaarmanæjja gïen nomme Nikodemos. Juvdeladtji raeresne lij. Akten jïjjen Jeesusen gåajkoe bööti jeehti: «Rabbi, daejrebe datne Jupmelen luvhtie ööhpehtæjjine baaateme. Ij gie gænnah maehtieh Jupmelen namhtah åavtoeh darjodh goh datne.» Jeesuse vaestede: «Saatnan, dutnjien jeahtam: dïhte guhte ij orresistie reakedh, ij maehtieh Jupmelen rïjhkem vuejnedh.» Nikodemos vaestede: «Guktie almetje maahta reakadidh gosse geerve? Ij sån maehtieh jïemien sïjse baaetedh jïh ikth vielie reakadidh?» Jeesuse vaestede: «Saatnan dutnjien jeahtam: dïhte guhte ij tjaetseste jïh Voejkenistie reakedh, ij maehtieh Jupmelen rïjhkese tjaangedh.» **Jåhha 3,1–5**

#### **JALLH**

**L|**Goltelidie maam apostele Pöövle laavkomen bïjre soptseste:

**KL/L|**Idie daejrieh, mijjïeh gïeh Jeesus Kristusen nomnese lååvkesovveme, altese jaemiedasse aaj lååvkesovveme? Gosse lååvkesovvimh dellie jeemimh jïh Jeesusinie juvlelgimh. Orre jieledem jis åadtjobe juktie Kristuse Jupmelen faamojne jaemiedistie lutnjesovvi. Gosse





Kristusinië aktanimh gosse jeemimh goh Kristuse, dellie  
 Kristusinië aktanibie gosse lutnjesovvebe goh Kristuse.  
 Daejrebe: mijjen bâeries almetje Kristusinië noeresovveme  
 guktie krehpie mij sådtoen faamosne, galki jaemedh. Dellie  
 ibie vielie sådtoen svaatjkoen nuelesne. Juktie dihte guhte  
 jaameme, sådtojste luajhtasovveme. Gosse mijjieh  
 Kristusinië jaameme, dellie jaehkebe Kristusinië aaj jielebe.  
 Rom 6,3–8

**L**| Gijhtebe jñh rohkelibie:

**L/kl**| Ihkuven Jupmele, datne guhte hiegkem vadtah gaajhkide  
 mah jielieh, jñh mijjem dov guelmesne sjugniedamme:  
 Datnem gijhtebe *NN-en (maanani voestes nomme) (jñh NN-en ...)*  
 åvteste. *Dihte/dah* dutnjien vyörtegs. Faerhmesth  
*maanam/maanide* dov gieriesvoetine jñh baajh *dam/dejtie*  
 hiejmem dov gærhkosne åadtjodh. Aamen.

Liturge maakta daelie jallh heevehtimmien åvtelen (1  
 Pieh 1,3) laavkomen bijre håaloestidh.

## 2 | Laavkome-saalme

Laavkome-saalme maakta daelie jallh voestes kapitelen  
 (1 Dåastoehtimmie laavkomasse) åvtelen jallh njealjede  
 kapitelen (4 Krist´-eejhtegi diedte) åvtelen jallh  
 orrijimmesne låävlesovvedh. Laavkome-saalmen viersh  
 maehtieh akti akti dej sijjesne låävlesovvedh. Laavlome  
 jienebh almetjijstie, aktede almetjistie jallh musihke  
 maakta aktede dej sijjeste govledh.

## 3 | Jeesusen stilleme laavkomen bijre

**L**| Edtjebe govledh Jeesus Kristusen baakoeh jñh stillemem aejlies  
 laavkomen bijre:

Almetje guhte maanam dåerede, klahkeliturge jallh  
 liturge tekstem lårhka:

**kl/L**| Gaajhke faamoe elmierijhkesne jñh eatnamisnie munnjien  
 vadtasovveme. Vaedtsede darjode gaajhkide åålmegidie  
 learoehkinie: laavkode Aehtjien jñh Baernien jñh Aejlies  
 Voejkenen nommesne jñh ööhpehtidie gaajhkem maam manne  
 stilleme. Jñh dijjem dåeredem gaajhkide biejjide minngemes  
 beajjan. Meeht 28, 18–20







## 4 | Krist'-eejhtegi diedte

Gosse onne maana lååvkesåvva:

└|Stillem eejhtegide jñh krist'-eejhtegidie tjuedtjieldih.

Dijjieh galkede vñhnesjidh *daate maana/dah maanah* kristeles laavkominie lååvkesovveme. Mijjen åålmeginie jñh abpe gærhkojne aktesne lidie aejlies diedtem åådtjeme: *daam/daejtie* hoksedh *gie/gñeh* daelie lååvkesovveme, *daan/daej* åvteste rohkelidh, *daam/daejtie* leeredh rohkelidh jñh *daam/daejtie* eevtjedh Jupmelen baakoem utnedh jñh aejlies maalestahkem dåastodh guktie Kristusinie aktesne *jeala/jieliejægan/jielieh* jñh jaahkoem *stinkede/stinkedægan/stinkedieh*.

Gosse stoere maana, noere jallh geerve almetje lååvkesåvva:

└|Stillem (eejhtegide jñh) krist'-eejhtegidie tjuedtjieldih.

Dijjieh galkede vñhnesjidh *daate maana/ dah maanah* kristeles laavkominie lååvkesovveme. Mijjen åålmeginie jñh abpe gærhkojne aktesne lidie aejlies diedtem åådtjeme: *daam/daejtie* hoksedh *gie/gñeh* daelie lååvkesovveme, *daan/daej* åvteste rohkelidh jñh *daam/daejtie* eevtjedh Jupmelen baakoem utnedh jñh aejlies maalestahkem dåastodh guktie Kristusinie aktesne *jeala/jieliejægan/jielieh* jñh jaahkoem *stinkede/stinkedægan/stinkedieh*.

## 5 | Aassjoestimmie jñh jaahkoe

Gosse onne maana lååvkesåvva:

└|Bæjhkohtibie bahha-aassjoestimmie jñh jupmele-jaahkoem mejtie maanide laavkobe.

Gaajhkesht tjuedtjieldieh.

Gosse stoere maana, noere jallh geerve almetje lååvkesåvva:

└|Sijhth daennie åålmeginie aktesne bahha-aassjoestimmie jñh jupmele-jaahkoem bæjhkohtidh mejtie mijjieh lååvkesovvebe?

**Dihthe guhte edtja lååvkesovvedh | Sijhthem.**

Dihthe guhte edtja lååvkesovvedh, mahta aaj





jeatjahlaakan nænnoestidh satne sæjhta.  
Jis jijnjesh gelkieh lååvkesovvedh, dellie dihte  
guhte jijtje maahta vaestiedidh, voestemes  
vaestede. Gosse gaajhkesh vaestiedamme, dellie  
liturge jeahta:

**L|**Bæjhkoehtibie bahha-aassjoestimmiem jih jupmele-  
jaahkoem.

Gaajhkesh tjuedtjielieh.

**Gaajhkesh | Manne bahham aassjostem  
jih gaajhkem maam dorje.  
Manne Jupmele Aahtjan jaahkam,  
faamoehkommes, Elmien jih eatnemen sjugniedæjjese.**

**Manne Jeesus Kristusasse jaahkam,  
Jupmelen aajnehke Baarnan, mijjen åajvan  
gie Aejlies Voejkeninie åedtjine sjïdti,  
Maarja niejteste reakadi,  
Pontius Pilatusen baelien njåvtasovvi,  
kroessese noeresovvi, jeemi jih kroeptese bïjesovvi,  
våålese jaemedede-rïjhkese vöölki,  
gålmeden biejjien jaemiedistie tjuedtjieli,  
bæjjese alman vöölki,  
Jupmelen, faamoehkommes Aehtjien,  
åelkies bielesne tjahkan,  
gubpede vihth edtja bååstide båetedh,  
jielije jih åemie almetjidie dööpmedh.**

**Manne Aejlies Voejkenasse jaahkam,  
gærhkoen aejlies ektievoetese,  
aejlies almetji tjåanghkenæmman,  
sådtoej luejhtiemasse,  
åedtjien tjuedtjielæmman jih ihkuven jieliemasse.  
Aamen.**

Aposteli jaahkoebæjjoehtimmie

## 6 | Laavkome

Tjaetsie laavkome-gaaran gurkesåvva.





┌|Åårmegs Jupmele, datnem gijhtebe laavkome-tjaetsien åvteste mij aarmoe-gaaltijistie galka. Gosse lååvkesovvebe, dellie mijjem sådtojste jìh jaemiedistie gorredh jìh ihkuven jiele dem dåajvohth. Seedth dov Voejkenem guktie *dihthe gie lååvkesåvva/dah guaktah gièh lååvkesovvijægan/dah gièh lååvkesuvvieh* Jeesus Kristusinie, mijjen Åejvine, orre jieliemasse *tjuedtjele/tjuedtjælægan/tjuedtjelièh*.

Aerebe mubpie maana edtja lååvkesovvedh, akte vièse sjiehteles saalmeste mahta lååvlesovvedh. Laavkome-maanan almetjh laavkome-gaerien gåajkoe vaedtsieh.

Gosse onne maana lååvkesåvva:

┌|Guktie maanan nomme?

Dihthe guhte maanam guadta, vaestede guktie maanan voestes nomme lea.

┌|Galka *NN* Aehtjien, Baernien jìh Aejlies Voejkenen nommese lååvkesovvedh jìh lièredh bahhasvoetem aassjoestidh jìh Jupmielasse jaehkedh?

Gaajhkesh gièh maanine aktesne, vaestiedieh:  
Galka.

Gosse stoere maana, noere jallh geerve almetje lååvkesåvva:

┌|Guktie dov nomme?

Dihthe guhte edtja lååvkesovvedh, vaestede guktie voestes nomme lea. Jis daerpies, mubpie mahta vaestiedidh.

┌|*NN*, galkh Aehtjien, Baernien jìh Aejlies Voejkenen nommese lååvkesovvedh jìh dov jieleme-biejjie bahhasvoetem aassjoestidh jìh Jupmielasse jaehkedh?

Dihthe guhte edtja lååvkesovvedh, vaestede:  
Galkem.

Liturge maanan ååredæjjan vuestie jarkele jìh rohkele mearan jìjtsh gièti låapoeh låaptjoeh Leah.

┌|Jupmele dov vuelkemem jìh dov bætmem vaarjele daehtie biejjeste jìh ihkuven aajkan.  
Aejlies kroessem dutnjien vadtam ✠ juktie Jeesus Kristusen Leah





jih Jeesusasse jaahkah gie kroessese noeresovvi jih jaemiedistie tjuedtjieli.

└|NN, Åejvie Jeesus Kristusen stillemen mietie datnem laavkoem Aehtjien, Baernien jih Aejlies Voejkenen nomnese.

Mearan liturge dam jeahta, tjaetsiem golmen aejkien gääjve dan åajjan gie lååvkesåvva.

Liturge gietem dan åajjan gie lååvkesovveme, beaja, jih krist´-eejhtegh maehtieh seammalaakan darjodh. Liturge jeahta:

└|Faamoehkommes Jupmele jijtse Aejlies Voejkenem laavkomisnie dutnjien vadteme, jih datnem jijtse maanine vaalteme jih jijtse jaahkoeladtje åålmeginie ektiedamme. Vaajt Jupmele datnem faamojne nænnoste. Jupmelen raeffie.

Maana åålmegen vuestie jarkelåvva jallh lutnjeståvva. Store maana, noere jallh geerve almetje åålmegen vuestie jijtje jarkele.

└|Daate lea NN, Jupmelen maana, gie laavkomisnie mijjen åålmegasse jih Kristusen veartene-gærhkose tjaangeme.

Gie akt maahta tjoevkesem baahtajehtedh fierhten laavkomen mænngan jallh åålmegen rohkelimmien mænngan. Liturge maahta jiehtedh:

└|Tjoevkese NN-en åvteste buala.

Tjoevkesh sjiehteles sæjjan biejesuvviah.

Gosse gaajhkide tjoevkide baahtajahteme, dellie liturge jeahta:

└|Jeesuse jeahta: «Manne veartenen tjoevkese. Dichte guhte mannem dåerede, ij galkh jemhkielisnie vaedtsedh, mohte dihte galka jieleden tjoevkesem utnedh.» [Jåhha 8,12](#)

## 7 | Rohkelimmie jih heevehtimmie

Rohkelassh maehtieh daelie lohkesovvedh jallh mænngan gosse åålmege edtja rohkelidh.

└|Gijhtebe jih rohkelibie.

**JALLH**

**KL/L|** Gaerhteles Jupmele,







laavkomen åvteste gijhtebe.

Gosse lååvkesovvebe, dellie datne mijjem dåastoeh jñh mijjem nænnosth. Birrebe *NN-en/maanana/maanaj* åvteste *gie/gieh* daan biejjien lååvkesovveme.

Årroeh *NN-en/maanana/maanaj* luvnie abpe *dan/dej* jieleme-biejjieh jñh vaarjelh *NN-em/maanama/maanide* laavkomen aarmosne. Eevtjñh eejhtegidie jñh krist'-eejhtegidie *NN-em/maanama/maanide* vaarjelidh guktie dej diædte lea. Jupmele, govñh mijjen rohkelassem.

#### JALLH B

**KL/L** | Gaerhteles Jupmele,

laavkomen åvteste gijhtebe.

Gosse lååvkesovvebe, dellie

dov gærhkosne mijjem dåastoeh.

Birrebe *NN-en/maanana/maanaj* åvteste

*gie/gieh* daan biejjien lååvkesovveme.

Baajh *NN-em/maanama/maanide* dov åelesne årrodh

jñh vedtieh gieriesvoetem jñh vijsiesvoetem gaajhkesidie

gieh gelkieh *NN-em/maanama/maanide* vaarjelidh.

Jupmele, govñh mijjen rohkelassem.

#### JALLH C

**KL/L** | Gaerhteles Jupmele,

laavkomen jñh dååjvehtassen åvteste gijhtebe.

Datne dåajvoehtamme Jeesuse mijjen luvnie fierhten biejjien.

Birrebe *NN-en/maanana/maanaj* åvteste

*gie/gieh* daan biejjien lååvkesovveme.

Vaarjelh *NN-em/maanama/maanide* guktie *NN/maana/maana*

duñjien *jaahka/jaehkiejægan/jaehkieh* jñh

tjoevkesne *vaadtsa/vaedtsiejægan/vaedtsieh* jñh

ihkuven sæjjan dov rijhkesne *beasa/biesijægan/biesieh*.

Jupmele, govñh mijjen rohkelassem.

Åålmege mahta Mijjen-Aehtjie-rohkelassem daelie jallh mænngan rohkelidh. Jis åålmege edtja aejlies maalestahkem byöpmedidh, dellie åålmege mahta dam rohkelassem dellie rohkelidh.

**L** | Rohkelibie guktie Jeesuse mijjem ööhpehtamme:

**Gaajhkes** | **Mijjen Aehtjie**

**guhte leah elmierijhkesne.**

**Baajh dov nommem aejliestovvedh.**





**Baajh dov ríjhkem bátedh.  
Baajh dov syjhtedem eatnamisnie sjídetdh  
guktie elmieríjhkesne.  
Vedtieh mijjese daan biejjien  
mijjen fierhten beajjetje laejpiem.  
Luejhtieh mijjeste maam mijjieh meadteme  
guktie mijjieh luejhtebe  
dejstie guhth mijjese meadteme.  
Aellieh luejhtieh mijjem gíehtjelimmiej síjse,  
vaallah vaarjelh mijjem bahheste.  
Juktie ríjhke lea dov,  
faamoe jíh earoe ihkuven aajkan. Aamen.**

¶ Earoe Jupmielasse, mijjen Áejvien, Jeesus Kristusen Aahtjan,  
gie jíjtse stoere aarmojne mijjem orresistie reakadahteme jielije  
håhkose Jeesus Kristusen tjuedtjelimmien gielhtie! **1 Píeh 1,3**

Laavkomeliturgije maahta daelie galhkedh.  
Vuartesjh mij aerebe mubpien kapitelen (2 Laavkome-  
saalme) bíjre tjaalasovveme.





# NJOELKEDASSE

---

## LAAVKOME GOSSE JUPMELE-GAAGKESTIMMIE LAAVKOEN GAAVHTAN

1. Dah gïeh *dam/dejtie* dâeriedieh *gie galka/gïeh galkijægan/gïeh gelkieh* lååvkesovvedh, gærhkose tjaengieh aerebe gyrhkesjimmie aalka.
2. Mearan preludiume, dellie prosesjovne maahta gærhkoen sïjse bætiedh. Dïhte guhte prosesjovne-kroessem guadta, voestesgietjesne vaadtsa, jïh dellie dïhte guhte laavkome-tjaetsiem guadta jïh dïhte guhte maanam guadta. Akte vielie maahta dam dâeriedidh guhtemaanam guadta.
3. Voestes saalme maahta lååvlesovvedh gosse prosesjovne båata. Gosse postludiume aalka, dellie gaajhkesh maetieh prosesjovnine olkese vaedtsedh.
4. Gosse liturge edtja dan nommem jiehtedh gie edtja lååvkesovvedh, dellie ajve voestes nommem jeahta (jïh ij gaskenommem jallh slïekte-nommem). Mohte gosse „3 Aalkoebaakoe“, dellie gaajhkh nommh lohkesåvva.
5. Liturge veelkes stolam jallh stolam gærhkoejaepien klaerine åtna.

## i. TJÅANGHKOE

### 1 | Preludium

Sïejhme voestes saalmen melodije dælie spealadåvva. Dah gïeh edtjïeh lååvkesovvedh, gærhkoen sïjse prosesjovine bætïeh. Dah gïeh bætïeh, jihkedïeh gosse sïejhme daennie gærhkosne tjahkasjidh laavkome-maanajgïjmïe. Åålmege tjuedtjele gosse prosesjovne båata.

### 2 | Aalkoe-saalme

Åålmege tjåådtje gosse saalmem lååvle.

### 3 | Aalkoe-baakoe

l|Aehtjien, Baernien jïh Aejlïes Voejkenen nommesne.





## JALLH

└|Aehtjien, Baernien jñh Aejlies Voejkenen nommesne: Mijjen sjugniedæjja, lutniestæjja jñh hiegevedtije.

Åålmege tjihkede.

Liturge mahta gyrrhesjimien bijre soptsestidh jñh saarnodh *gie edtja/gieh edtjijægan/gieh edtjieh* lååvkesovvedh.

Dellie daate kapiteler „4 Aalkoe-rohkelasse“ mahta lohkesovvedh.

## 4 | Aalkoe-rohkelasse

└|Rohkelibie.

### A

└|**KL**|Aejlies Jupmele,

datnem earohtibie juktie boerehke Leah.

Gijhtebe dov buerie dååjvehtassi åvteste mejtie vadtah gosse lååvkesovvebe.

Dov ååredæjjan uvte rohkelibie: Vedtieh goltelihks mielh,

gyjhtelihks vaajmoeh jñh vyljehks gieth

guktie dov baakoem dåastobe, dov buerievoetem heevehtibie jñh

soptsestimmine jñh dahkojne dov åavtoej bijre vihnesjibie.

### JALLH B

└|**KL**|Aejlies Jupmele, hiegekem mijjese vadteme.

Datne mijjem laavkomisnie dåastoeht

jñh gaarkh aejlies maalestahkine vadtah.

Vuesehth geajnoem dov baakojne

jñh maam datne sijhth mijjese vedtedh.

### JALLH C

**Gaajhkes**|**G**olmelaaketje Jupmele,

**datne mijjese hiejmeh dov gærhkosne vadteme**

**jñh ihkuven ulmiem dov luvnie.**

**Vaedtsehth mijjem dov baalkide.**

### JALLH D

Jeatjah sjiehteles rohkelasse.

## 5 | Dåastoehtimmie laavkomasse

Gosse onne maana edtja lååvkesovvedh:

└|Gijhtebe jñh aavoedibie gosse laavkomisnie *maanam/maanide*







Jupmielasse buektebe. Jupmele mijjem laavkomisnie dâastohte jîh mijjem Jeesus Kristusinie ektede guhte kroessese noeresovvi jîh jaemiedistie tjuedtjeli.

Gosse stoere maana jallh geerve almetje  
lââvkesâvva:

**L|**Gijhtebe jîh aavoedibie gosse laavkomisnie *NN-em/dijjem* Jupmielasse buektebe. Jupmele mijjem laavkomisnie dâastohte jîh mijjem Jeesus Kristusinie ektede guhte kroessese noeresovvi jîh jaemiedistie tjuedtjeli.

Dellie daate tekste maahta lohkesovvedh:

**L|**Nemhtie Jupmele eatnemem eahtseme guktie aajnehke baerniem vedtieji juktie dah gîeh altasasse jaehkieh, eah galkh jaemedh mohte ihkuven jielemem âadtjodh. *Jâhha3,16*

**L|**Goltelidie guktie Jeesuse maanide dâastohte jîh elmierijhkem rîhpeste:

Krist'-eejhtege jallh klahkeliturge jallh liturge  
maahta lohkedh:

**KL/L|**Maanide Jeesusen gâajkoe bööktin edtji gîetem dej nille bîejedh. Learohkh jis destie nihtieh. Gosse Jeesuse dam vuepteste, mâarahtâvva jîh jeahta: «Baajede maanide mov gâajkoe bâatedh, aellede dejtie nihtieh! Juktie Jupmelen rîjhke dej lea. Saatnan, dijjesse jeahtam: Dîhte gie ij Jupmelen rîjhkem dâastoeh goh maanetje, ij galkh Jupmelen rîjhkese bâatedh.» Jîh Jeesuse maanide faarhman vaalta, gîetide dej nille beaja jîh bueriesjugnede. *Mark 10,13–16*

Gosse stoere maana, noere jallh geerve almetje  
lââvkesâvva, daate tekste maahta lohkesovvedh:

**L|**Goltelidie maam apostele Pöövle laavkomen bîjre soptseste:

**KL/L|**Buajhkoes sjîdteme man hijven mijjen Jupmele jîh gorredæjja lea, jîh guktie almetjidie eahtsa: Mijjem gorredi juktie âârmege jîh ij dan gielhtie mijjeh rîektes dahkoeh dorjeme. Mijjem gorredi dejnie laavkominie mij Aejlies Voejkeninie orresistie reakadahta jîh orrestahta. Jupmele mijjem baajeme, Jeesus Kristusen, mijjen Lutniestæjjan gielhtie Voejkeninie dievedh guktie Jupmelen aarmojne reaktoen mietie sjîdtebe jîh ihkuven jielemem âadtjobe





nemhtie guktie mijjen hâhkoe. **Tit 3,4 -7**

**JALLH**

**L|**Jeesuse jehta mijjeh orresistie reakedibie gosse lååvkesovvebe:

**KL/L|**Fariseladtji luvnie gaarmanæjja gïen nomme Nikodemos. Juvdeladtji raeresne lij. Akten jïjjen Jeesusen gâajkoe bööti jeehti: «Rabbi, daejrebe datne Jupmelen luvhtie ööhpehtæjjine baaateme. Ij gie gænnah maehtieh Jupmelen namhtah åavtoeh darjodh goh datne.» Jeesuse vaestede: «Saatnan, dutnjien jehtam: dihte guhte ij orresistie reakedh, ij maehtieh Jupmelen rïjhkem vuejnedh.» Nikodemos vaestede: «Guktie almetje maahta reakedidh gosse geerve? Ij sån maehtieh jiemien sïjse baaetedh jïh ikth vielie reakedidh?» Jeesuse vaestede: «Saatnan dutnjien jehtam: dihte guhte ij tjaetseste jïh Voejkenistie reakedh, ij maehtieh Jupmelen rïjhkese tjaangedh.» **Jâhha 3,1-5**

**JALLH**

**L|**Goltelidie maam apostele Pöövle laavkomen bïjre soptseste:

**KL/L|**Idie daejrieh, mijjeh gïeh Jeesus Kristusen nomnese lååvkesovveme, altese jaemiedasse aaj lååvkesovveme? Gosse lååvkesovvimh, dellie jeemimh jïh Jeesusinie juvlelgimh. Orre jieledem jis åadtjobe juktie Kristuse Jupmelen faamojne jaemiedistie lutnjesovvi. Gosse Kristusinie aktanimh gosse jeemimh goh Kristuse, dellie Kristusinie aktanibie gosse lutnjesovvebe goh Kristuse. Daejrebe: mijjen baaeries almetje Kristusinie noeresovveme guktie krehpie mij sådtoen faamosne, galki jaemedh. Dellie ibie vielie sådtoen svaatjkoen nuelesne. Juktie dihte guhte jaameme, sådtojste luajhtasovveme. Gosse mijjeh Kristusinie jaameme, dellie jaehkebe Kristusinie aaj jielebe. **Rom 6,3-8**

**L|**Gijhtebe jïh rohkelibie:

**KL/L|**Ihkuven Jupmele, datne guhte hïegkem vadtah gaajhkide mah jielieh, jïh mijjem dov guelmesne sjugniedamme: Datnem gijhtebe *NN-en (maan an voestes nomme) (jïh NN-en ...)* åvteste. *Dihte/dah* dutnjien vyörtegs. Faerhmesth





*maanam/maanide* dov gieriesvoetine j̄ih baajh *dam/dejtie*  
h̄iejmem dov gærhkosne åadtjodh. Aamen.

## ii. Baakoe

### 6 | Aejlies gærjeste lohkesåvva

L|Lohkebe Aejlies gærjeste

Akte jallh göökte daejstie tekstijste jallh aejlegen  
tekstijste *maahta/maehtieh* lohkesovvedh. Teksth gelkieh  
Nöörjen gærhkoen tekste-gærjesne årrodh.  
Krist-eejhtege jallh klahkeliturge maahta lohkedh.

L|Jeesuse jeahta mijjeh aaj orresistie reakadibie gosse  
lååvkesovvebe. Naemhtie Jåhhan vaentjielisnie tjaalasovveme:

KL/L|Fariseladtji luvnie gaarmanæjja gien nomme Nikodemos.  
Juvdeladtji raeresne lij. Akten j̄ijjen Jeesusen gåajkoe bööti  
jeehti: «Rabbi, daejrebe datne Jupmelen luvhtie ööhpehtæjjine  
båateme. Ij gie gænnah maehtieh Jupmelen namhtah åavtoeh  
darjodh goh datne.» Jeesuse vaestede: «Saatnan, dutnjien  
jeahtam: d̄ihte guhte ij orresistie reakedh, ij maehtieh Jupmelen  
rijhkem vovejnedh.» Nikodemos vaestede: «Guktie almetje  
maahta reakadidh gosse geerve? Ij sån maehtieh jiemien sijse  
båatedh j̄ih ikth vielie reakadidh?» Jeesuse vaestede: «Saatnan  
dutnjien jeahtam: d̄ihte guhte ij tjaetseste j̄ih Voejkenistie  
reakedh, ij maehtieh Jupmelen rijhkese tjaangedh. » **Jåhha 3,1–5**

#### JALLH

L|Goltelidie maam apostele Pöövle laavkomen bijre Titusasse  
tjaala:

KL/L|Buajhkoes sj̄idteme man hijven mijjen Jupmele j̄ih  
gorredæjja lea, j̄ih guktie almetjidie eahtsa: Mijjem gorredi juktie  
åårmege j̄ih ij dan gielhtie mijjeh riektes dahkoeh dorjeme.  
Mijjem gorredi dejnie laavkominie mij Aejlies Voejkeninie  
orresistie reakadahta j̄ih orrestahta. Jupmele mijjem baajeme,  
Jeesus Kristusen, mijjen Lutniestæjjan gielhtie Voejkeninie  
dievedh guktie Jupmelen aarmojne reaktoen mietie sj̄idtebe j̄ih  
ihkuven jielemem åadtjobe nemhtie guktie mijjen håhkoe. **Tit 3,4 -  
7**







## JALLH

L|Apostele Pöövle naemhtie laavkomen bijre prievesne Romen  
åålmegasse tjaala:

KL/L|Idie daejrieh, mijjeh giëh Jeesus Kristusen nomnese  
lååvkesovveme, altese jaemiedasse aaj lååvkesovveme? Gosse  
lååvkesovvimh dellie jeemimh jñh Jeesusinie juvlelgimh. Orre  
jiele dem jis åadtjobe juktie Kristuse Jupmelen faamojne  
jaemiedistie lutnjesovvi. Gosse Kristusinie aktanimh gosse  
jeemimh goh Kristuse, dellie Kristusinie aktanibie gosse  
lutnjesovvebe goh Kristuse. Daejrebe: mijjen båeries almetje  
Kristusinie noeresovveme guktie krehpie mij sådtoen faamosne,  
galki jaemedh. Dellie ibie vielie sådtoen svaatjkoen nuelesne.  
Juktie dihte guhte jaameme, sådtojste luajhtasovveme. Gosse  
mijjeh Kristusinie jaameme, dellie jaehkebe Kristusinie aaj  
jielebe. Rom 6,3–8

## JALLH

L|Apostele Pöövle naemhtie laavkomen bijre prievesne Galatian  
åålmegasse tjaala:

KL/L|Gosse jaehkede, dellie gaajhkesch dovnesch Jupmelen maanah  
Kristus Jeesusen gielhtie. Gosse lidie Kristusasse  
lååvkesovveme, dellie Kristusinie gäärveldihkie. Ij gie vielie  
juvdeladtje jallh grekeladtje, svaatjkoen nuelesne jallh  
jijtjeråårehke, gaarmanæjja jallh nyjsenæjja. Gaajhkesch lidie  
Kristus Jeesusinie aktesne. Gal 3,26–28

## JALLH

L|Apostele Pöövle soptseste maam mijjeh laavkomisnie  
åadtjobe. Naemhtie Romen åålmegasse tjaala:

KL/L|Gie dellie maahta mijjem Kristusen gieriesvoeteste  
joekehtidh? Nievre vuj asve, dåålvesovveme, nealkoe,  
båadtsoesvoete vuj dihte mij iskeres, vuj sviertie? Juktie hov  
daajram, ij gænnah jaememe jallh jieleme, eengkelh jallh naan  
faamoe, ij mij daelie jallh båetiemisnie, faamoe bijjene  
elmierijhkesne jallh faamoe gïengelisnie jallh mij akt mij  
sjugniedovveme, maehtieh mijjem Jupmelen gieriesvoeteste  
joekehtidh. Gieriesvoete mijjen Kristuse Jeesusen, mijjen  
Åejvien gielhtie. Rom 8,35.38–39

Jeatjah teksth mah sjiehtieh:

Saalme 8,4–6.10; Saalme 139,13–16; Meeht 3,13–17; Mark  
9,33–37; Jåhha 3,5–8; Apost 2,37–41, Apost 8,36–38;  
Efes 3,14–21; 1 Jåhha 3,1–2.







Lohkeme maahta naemhtie galhkedh:

Naemhtie Jupmelen baakoe.

## 7 | Laavkome-saalme

Naan viersh maehtieh laavkomen ävtelen låävlesovvedh jñh naan laavkomen mænngan.

## 8 | Priëjke

Priëjhke maahta naemhtie galhkedh:

l|Earoe Aahtjan, Baarnan jñh Aejlies Voejkenasse gie lij, lea jñh edtja årroddh aajnehke saetnies Jupmele ihkuvistie ihkuvasse.

## iii. Rohkelassh

Rohkelassh maehtieh garvesovvedh.

## 9 | Åålmegen rohkelasan

l|Gijhtebe jñh rohkelibie:

**JALLH**

kl/l|Elmien Aehtjie, datnem gjhtebe:

Mijjem jñh eatnemem sjugniedih.

Mijjem damth jñh eahtsah.

Viehkehth mijjem sinsitniem vaarjelidh

jñh gaajhkem maam datne sjugniedamme.

**ÅÅ | Åejvie, govhl mijjen rohkelasanem.**

kl/l|Gieries Jeesuse:

Datne jaemiedistie jñh bahhasvoeteste veaksahkåbpoe.

Datne mijjen voelpe jñh datne mijjine aktesne gaajhki biejjiej.

Dov luvnie jearsoes libie.

Årroeh dej luvnie gñeh billemine jñh oktegh leah.

Vuesehth mijjem guktie aktesne årroddh.

Viehkehth mijjem noerhkenassen jñh meadtoen vuestie barkedh.

**ÅÅ | Åejvie, govhl mijjen rohkelasanem.**

kl/l|Boerehke Aejlies Voejkene:

Datne geajnoem mijjese vuesehthe

gogkoe galkebe vaedtsedh.





Vedtieh syjhtedem jïh gaarkh dam vaedtsedh.  
Vedtieh vijsiesvoetem jïh vieksiesvoetem  
aktesne årrodh.  
Datne mijjem stilleme dov gærhkojne årrodh.  
Båetieh dov vadtesi gujmie  
jïh viehkehth mijjem tjoevkesinie jïh saelhtine veartanisnie  
årrodh.  
**ÅÅ | Åejvie, govlh mijjen rohkelassem.**

#### JALLH

Jeatjah sjiehteles rohkelasse.

## iv. Laavkome

### 10 | Jeesusen stilleme laavkomen bijre

**L|**Edtjebe govledh Jeesus Kristusen baakoeh jïh stillemem aejlies  
laavkomen bijre:

Almetje guhte maanam dåerede, klahkeliturge jallh  
liturge lãhka:

**KL/L|**Gaajhke faamoe elmierïjhkesne jïh eatnamisnie munnjien  
vadtasovveme. Vaedtsede darjode gaajhkide åålmegidie  
learoehkinie: laavkode Aehtjien jïh Baernien jïh Aejlies  
Voejkenen nommesne jïh ööhpehtidie gaajhkem maam manne  
stilleme. Jïh dijjem dåeredem gaajhkide biejjide minngemes  
beajjan. **Meeht 28, 18–20**

### 11 | Krist'-eejhtegi diedte

Gosse maana lååvkesåvva:

**L|**Stillem eejhtegide jïh krist'-eejhtegidie tjuedtjieldh.

Dijjieh galkede vihnesjidh *daate maana/dah maanah* kristeles  
laavkominie lååvkesovveme. Mijjen åålmeginie jïh abpe  
gærhkojne aktesne lidie aejlies diëdtem åådtjeme: *daam/daejtie*  
hoksedh *gie/gïeh* dælie lååvkesovveme, *daan/daej* åvteste  
rohkelidh, *daam/daejtie* leeredh rohkelidh jïh *daam/daejtie*  
eevtjedh Jupmelen baakoem utnedh jïh aejlies maalestahkem  
dåastodh guktie Kristusinie aktesne *jeala/jieliejægan/jielieh* jïh  
jaahkoem *stinkede/stinkedægan/stinkedieh*.





Gosse stoere maana, noere jallh geerve almetje  
lâāvkesâvva:

⌚|Stillem (eejhtegide jîh) krist'-eejhtegidie tjuedtjielidh.

Dijjieh galkede vîhnesjidh *daate maana/ dah maanah*  
kristeles laavkominie lâāvkesovveme. Mijjen âålmeginie jîh  
abpe gærhkojne aktesne lidie aejlies diëdtem âådtjeme:  
*daam/daejtie* hoksedh gie/gîeh daelie lâāvkesovveme,  
*daan/daej* âvteste rohkelidh jîh *daam/daejtie* eevtjedh  
Jupmelen baakoem utnedh jîh aejlies maalestahkem  
dâastodh guktie Kristusnie aktesne *jeala/jieliejægan/jielieh*  
jîh jaahkoem *stinkede/stinkedægan/stinkedieh*.

## 12 | Aassjoestimmie jîh jaahkoe

Gosse onne *maana lâāvkesâvva*:

⌚|Bæjhkohtibie bahha-aassjoestimmie jîh jupmele-jaahkoem  
mejtie maanide laavkobe.

Gaajhkesh tjuedtjielieh.

Gosse stoere maana, noere jallh geerve almetje  
lâāvkesâvva:

⌚|Sijhth daennie âålmeginie aktesne bahha-aassjoestimmie  
jîh jupmele-jaahkoem bæjhkohtidh mejtie mijjieh  
lâāvkesovvebe?

**Dîhte guhte edtja lâāvkesovvedh | Sijhthem.**

Dîhte guhte edtja lâāvkesovvedh, mahta aaj  
jeatjahlaakan nænnoestidh satne sæjhta.  
Jis jîjnesh gelkieh lâāvkesovvedh, dellie dîhte  
guhte jîjtje mahta vaestiedidh, voestegh vaestede.  
Gosse gaajhkesh vaestiedamme, dellie liturge  
jeahta:

⌚|Bæjhkohtibie bahha-aassjoestimmie jîh jupmele-  
jaahkoem.

Gaajhkesh tjuedtjielieh.

**Gaajhkesh | Manne bahham aassjostem jîh gaajhkem maam  
dorje.**

**Manne Jupmele Ahtjan jaahkam,**





faamoehkommes, Elmien jñh eatnemen sjugniedæjjese.

Manne Jeesus Kristusasse jaahkam,  
 Jupmelen aajnehke Baarnan, mijjen áajvan  
 gie Aejlies Voejkeninie áedtjine sjídti,  
 Maarja njejtete reakadi,  
 Pontius Pilatusen baelien njávtaovvi,  
 kroessese noeresovvi, jeemi jñh kroeptese biejesovvi,  
 väälese jaemedede-ríjhkese vööolki,  
 gáalmeden biejjien jaemiedistie tjuedtjieli,  
 bæjjese alman vööolki,  
 Jupmelen, faamoehkommes Aehtjien,  
 áelkies bielesne tjahkan,  
 gubpede vihth edtja báástide báetedh,  
 jielie jñh áemie almetjidie dööpmedh.

Manne Aejlies Voejkenasse jaahkam,  
 gærhkoen aejlies ektievoetese,  
 aejlies almetji tjáanghkenæmman,  
 sádtoej luejhtiemasse,  
 áedtjien tjuedtjielæmman jñh ihkuven jieliemasse.  
 Amen.

*Aposteli jaahkoebæjjoehtimmie*

## 13 | Laavkome

*Tjaetsie laavkome-gaaran gurkesávva.*

¶|Áármegs Jupmele, datnem gijhtebe laavkome-tjaetsien ávteste mij aarmoe-gaaltijistie galka. Gosse låávkesovvebe, dellie mijjem sádtojste jñh jaemiedistie gorredh jñh ihkuven jieldem dáajvohth. Seedth dov Voejkenem guktie *dihthe gie låávkesávva/dah gieh låávkesovvijægan/dah gieh låávkesuvvieh* Jeesus Kristusinie, mijjen Áejvine, orre jieliemasse *tjuedtjele/tjuedtjielægan/tjuedtjielieh*.

*Aerebe mubpie maana edtja låávkesovvedh, akte vierse sjiehteles saalmeste mahta låávlesovvedh. Laavkome-maanan almetjh laavkome-gaerien gáajkoe vaedtsieh.*

Gosse onne maana låávkesávva:

¶|Guktie maanan nomme?

*Dihthe guhte maanam guadta, vaestede guktie maanan voestes nomme.*







┆|Sijhtede NN galka Aehtjien, Baernien jñh Aejlies Voejkenen  
nommese lååvkesovvedh jñh lieredh bahhasvoetem aassjoestidh  
jñh Jupmielasse jaehkedh?

Gaajhkesh gieh maanine aktesne, vaestiedieh:

Galka.

Gosse stoere maana, noere jallh geerve almetje  
lååvkesåvva:

┆|Guktie dov nomme?

Dihnte guhte edtja lååvkesovvedh, vaestede guktie  
voestes nomme lea. Jis daerpies, mubpie maahta  
vaestiedidh.

┆|NN, galkh Aehtjien, Baernien jñh Aejlies Voejkenen  
nommese lååvkesovvedh jñh dov jieleme-biejjie  
bahhasvoetem aassjoestidh jñh Jupmielasse jaehkedh?

Dihnte guhte edtja lååvkesovvedh, vaestede:

Galkem.

Liturge dan vuestie järkele guhte edtja lååvkesovvedh,  
jñh rohkele mearan jñjtsh gñeti låapoeh låaptjoeh leah.

┆|Jupmele dov vuelkemem jñh dov bætemem vaarjele daehtie  
biejjeste jñh ihkuven aajkan.

Aejlies kroessem dutnjien vadtam ✠ juktie Jeesus Kristusen leah  
jñh Jeesusasse jaahkah gie kroessese noeresovvi jñh jaemiedistie  
tjuedtjieli.

┆|NN, Åejvie Jeesus Kristusen stillemen mietie datnem laavkoem  
Aehtjien, Baernien jñh Aejlies Voejkenen nommese.

Mearan liturge dam jeahta, tjaetsiem golmen aejkien  
gååjve dan åajjan guhte lååvkesåvva.

Liturge gñetem dan åajjan guhte lååvkesovveme, beaja,  
jñh krist'-eejhtegh maehtieh seammalaakan darjodh.

Liturge jeahta:

┆|Faamoehkommes Jupmele jñjtse Aejlies Voejkenem  
laavkomisnie dutnjien vadtme, jñh datnem jñjtse maanine  
vaaltme jñh altese jaahkoeladtje åålmeginie ektiedamme.  
Vaajt Jupmele datnem faamojne nænnoste.  
Jupmelen raeffie.





Maana aalmegen vuestie jarkelåvva jallh lutnjeståvva.  
Store maana, noere jallh geerve almetje aalmegen  
vuestie jijtje jarkele.

⌊ Daate lea *NN*, Jupmelen maana, guhte laavkomisnie mijjen  
aalmegasse jñh Kristusen veartene-gærhkose tjaangeme.

Gie akt maahta tjoevkesem baahtajehtedh fierhten  
laavkomen mænngan jallh aalmegen rohkelimmien mænngan.  
Liturge maahta jiehtedh:

⌊ Tjoevkese *NN-en* åvteste buala.

Tjoevkesh sjiehteles sæjjan biejesuvvieh.

Gosse gaajhkide tjoevkide baahtajahteme, dellie liturge  
jeahta:

⌊ Jeesuse jeahta: «Manne veartenen tjoevkese. Dñhte guhte  
mannem dåerede, ij galkh jemhkielisnie vaedtsedh, mohte dñhte  
galka jieleden tjoevkesem utnedh.» *Jåhha 8,12*

## 14 | Rohkelimmie jñh heevehtimmie

⌊ Gijhtebe jñh rohkelibie.

**A**

**KL/L** | Gaerhteles Jupmele,  
laavkomen åvteste gjhtebe.

Gosse lååvkesovvebe, dellie datne mijjem dåastoeh jñh mijjem  
nænnosth. Rohkelibie *NN-en/maanan/maanaj* åvteste *gie/gieh*  
daan biejjien lååvkesovveme.

Årroeh *NN-en/maanan/maanaj* luvnie abpe *dan/dej* jieleme-  
biejjide jñh vaarjelh *NN-em/maanam/maanide* laavkomen  
aarmosne. Eevtjh eejhtegidie jñh krist'-eejhtegidie *NN-  
em/maanam/maanide* vaarjelidh guktie dej dñedte lea. Jupmele,  
govlh mijjen rohkelassem.

**JALLH B**

**KL/L** | Gaerhteles Jupmele,  
laavkomen åvteste gjhtebe.

Gosse lååvkesovvebe, dellie  
dov gærhkosne mijjem dåastoeh.

Rohkelibie *NN-en/maanan/maanaj* åvteste  
*gie/gieh* daan biejjien lååvkesovveme.

Baajh *NN-em/maanam/maanide* dov åelesne årrodh jñh vedtieh





gieriesvoetem j̄ih vijsiesvoetem gaajhkesidie  
 gīeh gelkieh *NN-em/maanam/maanide* vaarjelidh.  
 Jupmele, govlh mijjen rohkelassem.

### JALLH C

**KL/L** | Gaerhteles Jupmele,  
 laavkomen j̄ih d̄aājvehtassen āvteste gijhtebe.  
 Datne d̄aājvoehtamme Jeesuse mijjen luvnie fierhten biejjien.  
 Rohkelibie *NN-en/maanaj* āvteste  
*gie/gīeh* daan biejjien låāvkesovveme.  
 Vaarjelh *NN-em/maanam/maanide* guktie *NN/maana/maanah*  
 dutnjien *jaahka/jaehkiejægan/jaehkieh* j̄ih  
 tjoevkesne *vaadtsa/vaedtsiejægan/vaedtsieh* j̄ih  
 ihkuven sæjjan dov rijhkesne *beasa/biesijægan/biesieh*.  
 Jupmele, govlh mijjen rohkelassem.

Åålmege maahta Mijjen-Aehtjie-rohkelassem daelie jallh  
 mænnan rohkelidh. Jis åålmege edtja aejlies  
 maalestahkem byöpmedidh, dellie åålmege maahta dam  
 rohkelassem dellie rohkelidh.

**L** | Rohkelibie guktie Jeesuse mijjem ööhpehtamme:

**Gaajhkes** | **Mijjen Aehtjie**  
**guhte Leah elmierijhkesne.**  
**Baajh dov nommem aejliestovvedh.**  
**Baajh dov rijhkem bāetedh.**  
**Baajh dov syjhtedem eatnamisnie sjidtedh guktie**  
**elmierijhkesne.**  
**Vedtieh mijjese daan biejjien**  
**mijjen fierhten beajjetje laejpiem.**  
**Luejhtieh mijjeste maam mijjeh meadteme**  
**guktie mijjeh luejhtebe**  
**dejstie guhth mijjese meadteme.**  
**Aellieh luejhtieh mijjem giehtjelimmiej sijse,**  
**vaallah vaarjelh mijjem bahheste.**  
**Juktie rijhke lea dov,**  
**faamoe j̄ih earoe ihkuven aajkan. Aamen.**

**L** | Earoe Jupmielasse, mijjen Åejvien, Jeesus Kristusen Aahtjan,  
 gie j̄ijtse stoere aarmojne mijjem orresistie reakadahteme jielije  
 hāhkose Jeesus Kristusen tjuedtjelimmien gielhtie! **1 P̄ieh 1,3**





Jis åålmege edtja aejlies maalestahkem byöpmedidh,  
dellie daelie maahta dam byöpmedidh.

## 15 | Musihke

Krist´-eejhtegh jallh mubpieh maehtieh sjiehteles  
laavlomem laavlodh jallh sjielhteles musihkem  
spealadidh.

## v. Åålmege seedtesåvva

### 16 | Orrejimmie-saalme

Åålmege tjåådtje gosse lååvle jih bueriesjugniedassem  
dååste.

### 17 | Bueriesjugniedasse

Liturge maahta bueriesjugniedassem lohkedh jallh  
laavlodh.

Fiereguhte maahta kroesse-mierhkem darjodh gosse  
bueriesjugniedassem dååste. Liturge maahta naemhtie  
aelkedh:

**KL/L lååvle |** Jupmelem heevehtibie.

Åålmege tjuedtjele.

**Åå |** Jupmelem heevehtibie. Halleluja. Halleluja. Halleluja.

**JALLH**

**L jeahta |** Dåastoehdidie bueriesjugniedassem.

Åålmege tjuedtjele.

**L |** Jupmele datnem bueriesjugnede jih datnem vaarjele.

Jupmele jijtse ååredæjjine dutnjien tjuavka

jih dutnjien åårmege orre.

Jupmele jijtse ååredæjjine dov gåajkoe jarkoe

jih dutnjien raeffiem vadta. ✠

Jis liturge lååvle, dellie åålmege lååvle:

**Åå |** Aamen. Aamen. Aamen.







*Bealloeh govloeh 3 x 3 aejkien.*

## 18 | Seedtsovvene

Gosse aalmege tjihkedamme postludiumem goltelidh,  
dellie liturge mahta seedtesovvene-baakojde  
postludiumen mænnan jiehtedh.

**JALLH**

⌋ Vaedtsede ræffesne.

**JALLH**

⌋ Vaedtsede ræffesne. Dienesjidie Åejviem aavosne.

Liturge mahta aalmegegem seedtedh jeatjah baakoejgumie  
mah daan sjïere beajjan sjiehtieh.

## 19 | Postludium

Jis prosesjovne sjædta, dellie abpe aalmege mahta dam  
dåeriedidh. Gærhcoe mahta rihpeldahkesne årrodh  
gyrhkesjimmien mænnan guktie almetjh mæhtieh  
guvviedidh, tjoevkesh baahtajehdedh jallh sjeavohth  
rohkelidh.

